

Gvangjsih Minzcuz Bau

Cawjguenj: Gvangsijh Bouxcuengh Swcigih Minzcuz Cunghgyau Swvu Veijyenzvei

Cawjbanh: Gvangsijh Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.2 Ng.15

Liggaeuq gvejmaux nienz ndwencieng ngeihhaj

Geizsoq: Gungh daih 3560 geiz

Aen Hoih Minzcunghveij Cujiyinh Daengx Gih Youq Nanzningz Hai

Liuz Ningz Bae Vah

全区民宗委主任会议在南宁召开

刘宁作批示

2 nyied 10 hauh, Aen Hoih Minzcunghveij Cujiyinh Daengx Gih youq Nanzningz hai. Gwnz hoih cienzmienh gvancez doeksaed gij cingsaenz Ngeihcib Daih Dangj, cienzmienh gvancez doeksaed gij gezcwz baijbouh cingsaenz Aen Hoih Hong Dungjcan Cunghyangh, Aen Hoih Hong Minzcuz Cunghyangh, Aen Hoih Hong Cunghgyau Daengx Guek, Aen Hoih Minzveij Cujiyinh Daengx Guek caeuq Swcigih, cungjez gij hong 2022 nienz caeuq haj bi ngamq gvaqbaez haenx, baijbouh gij hongloh 2023 nienz. Swcigih Dangjveij suhgi, Swcigih Yinzda Cangzveijvei cujiyinh Liuz Ningz doiq guh ndei hong minzcuz caeuq cunghgyau daengx gih bae vah.

Liuz Ningz vixok, bi' gvaq, daengx gih minzcungh hidungj haeujlaeg gvancez doeksaed gij cungyau swhsiengj Siz Ginbingz gangj gyagiengz caeuq gajndeih hong minzcuz, gij vah gangj hong cunghgyau, maedsaed guh ndei gak

hangh hong minzcuz cunghgyau, daengx gih aen yiengh ndei minzcuz doxhuz, cunghgyau huzswnh, aen biengz huzndei ndaej laebdaeb baujmaenh. Bineix dwg bi nduj cienzmienh gvancez gij cingsaenz Ngeihcib Daih Dangj, hix dwg gvancez doeksaed gij iugouz youqgaenj Siz Ginbingz daezok Gvangsijh aeu "haj aen engq hung", bi hainduj cienzmienh laebguh seizdaih moq Gvangsijh gyaundeih. Minzcungh hidungj daengx gih aeu rox gij youqgaenj "song aen dinghlaeb" liux bae, giengiet guh daengz "song aen henhoh", aeu gij cingsaenz Ngeihcib Daih Dangj daeuj vixyinx, cienzmienh gvancez doeksaed gij cingsaenz Aen Hoih Hong Ginhci Cunghyangh caeuq Aen Hoih Hong Minzcuz Cunghyangh, Aen Hoih Hong Cunghgyau Daengx Guek, cienzmienh gvancez doeksaed gij iugouz youqgaenj Siz Ginbingz daezok Gvangsijh aeu "haj aen engq hung", haeujlaeg gvancez doeksaed gij ciji cingsaenz

youqgaenj Siz Ginbingz cungjsuhgi gangj haenx, ciuq Swcigih baijbouh, gaen hwnj seizdaih, souj goek cauhamoq, gaemdawz laebguh aen sifangih couqmaenh gij eiqsik caezcaemh Cunghvaz Minzcuz diemj neix, guh ndei "seiq aen suenranz", haeujlaeg cauhamoq minzcuz doxgiet baenaj, laebdaeb dajcauh gij minzcuz daegsaek vwnzva binjbaiz "sam nyied sam Bouxcuengh" daengj, guh ndei gak hangh hong minzcuz, gyavaiq dieg minzcuz vnz noix comzyouq hwngfat, doidoengh gak minzcuz dox baedauq dox gyaulouz dox yungzhab, doicaenh cunghgyau baenz yiengh Cunghguk raeuz Gvangsijh byaij ndei byaij maenh, laebdaeb cukmaenh laebguh seizdaih moq Gvangsijh gyaundeih, vih guhbaenz yendaiva Cungguk ok faenh rengz Gvangsijh.

Aen hoih giengzdiuh, daengx gih gak gaep minzcungh bumwnz aeu haeujlaeg hagsib gij cingsaenz Ngeihcib Daih Dangj, haeujlaeg guh

couqmaenh gij eiqsik caezcaemh Cunghvaz Minzcuz lijlun hungnaek caeuq yienhsaed vwndiz yenzgiu, guhcaez guhndei hong senhconz songyauq couqmaenh gij eiqsik caezcaemh Cunghvaz Minzcuz, haenqrengz ca ndei "sam hang giva • Gvangsijh hengzdoengh", gyavaiq dieg minzcuz vnznoix hwngfat moq, eifap ceihleix hong minzcuz cunghgyau, henhoh minzcuz doxgiet, cunghgyau huzswnh, vih sevei guh ok gunghen hung.

Gwnz hoih byaujcaengh le gyoengq daiyauj Gvangsijh aeu ndaej Buek Daihcib Daengx Guek Minzcuz Doxgiet Cinbu Sifangih Sifan Danhvei, Gaiq Daih'it Daengx Guek Cunghgyaugai Senhcin Cizdij Cauq Senhcin Goyinz daengj mingzdaez haenx. Gveilinz, Bwzhaij, Bwzswz, Hocouh, Hozciz, Laizbinh, Cungzcoj daengj caet aen si minzcunghveij (giz) guh gyaulouz gangjvah.

(Dunghsinyenz Loz Yinzgingh-yiz bonj bauq gicej Veiz Yingjcinh
通讯员 罗仁惊瑜 本报记者 韦颖琛)

Yungzsuij: Mbanjmyauz Banh Cibgouj Youzbo Gaiq Daih'it

融水: 举办苗寨首届十九坡会

2 nyied 9 hauh, Yungzsuij Myauzcuz Swciyen Sanghlungzgouh Mbanjmyauz Mungvuh banh ndwencieng cibgouj youzbo hozdung. Myauz, Yauz, Dung, Cuengh daengj minzcuz beixnuengx ndang daenj buh lengj minzcuz swhgeij, comz daeuj boq venz, diuq fouxcaijdangz angqhoh.

Ngoenzhaenx, guh le caeq venz, boq venz, diuq fouxcaijdangz daengj hozdung, baenz cien gvaq fanh vnzmbanj caeuq hekyouz daeuj yawjgonz, Mbanjmyauz nauhyied dangqmaz.

Ciuq cam rox, vihliux cienzswnj dangdieg fungsug vwnzva, coicaenh gak minzcuz dox baedauq dox gyaulouz dox yungzhab, couqmaenh gij eiqsik caezcaemh Cunghvaz Minzcuz, Yungzsuij gietdingh moix bi ndwencieng cibgouj youq Sanghlungzgouh Mbanjmyauz Mungvuh banh "cibgouj youzboz", bineix dwg banh baez nduj, gvaqlaeng moix bi ndwencieng cibgouj cungj yaek gawjbanh baez ndeu.

(Vangz Cwngz Hoz Haijyez/黄 诚 何海晔)

